



“Qytetaria Aktive”

Projekti ka për qellim angazhimin e qytetarëve të Kosovës, veçanërisht në dy regjione të Kosovës (Pejë dhe Prizren) për të qenë pjesë aktive e vendimmarrjes për çështjet e rëndësishme në lokalitetet ku ata jetojnë.



Syri i Vizionit

Adresa: Rr. Isa Demaj Nr: 14
30000 Pejë, Kosovë
T: 039 423 240
E: info@syriivizionit.org
W: www.syriivizionit.org
www.aktivizohu.org





Këshillat lokale të fshatrave në Pejë, Istog, Klinë, Deçan dhe Rahovec.

Në kuadër të projektit që mbështetet nga Olof Palme International Center OPIC, janë krijuar pesë këshilla lokale që përbajnë nga 5 deri në 13 fshatra të një bashkësi lokale, në secilin prej komunave Pejë, Istog, Klinë, Deçan dhe Rahovec, të cilët do të përfaqësojnë interesat e banorëve të atyre zonave tek institucionet lokale dhe qendrore.

Fillimisht SiV ka identifikuar bashkësitetë lokale ku ka munguar struktura organizative, e pastaj ka mbajtur takime individuale në secilin fshat duke kërkuar nga banorët e atyre fshatrave që të përzgjedhin udhëheqësin e tyre apo kryetarin fshatit, i cili do t'i përfaqësojë interesat e atij fshati në institucionë. Pasi banorët e fshatit kanë bërë vetë përzgjedhja e përfaqësuesve të tyre, janë mbajtur takime të përbashkët me liderët e të gjithë fshatrave që përbejnë një bashkësi lokale, në secilën komunë veç e veç, gjatë të cilave është biseduar për problemet me të cilat ballafaqohen dhe nevojat që ata kanë si individë dhe si banorë. Atyre u janë ofruar këshilla të shumta në adresimin problemeve si në shkrim të kërkesave drejtuar institucioneve të ndryshme, në hartimin e projekt ideve dhe përfshirjen e tyre në takimet e ndryshme publike që janë organizuar nga institucionet.

Me qëllim të fuqizimit të tyre në adresim të problematikave me të cilat ballafaqohen, kyterëve u janë ofruar edhe trajnime të ndryshme për Avokim, Shkrim të Projekt Propozimeve dhe ngritje të fondeve, që ka ndikuar që ata të janë më të gatshëm t'i paraqesin nevojat e tyre tek institucionet, shkrimin e projekteve dhe adresimin tyre tek donatorët e mundshëm.

Zyra për ofrimin e këshillave dhe ndihmë grupeve të ndryshme të interesit

Në kuadër të projektit, Syri i Vizionit ka hapur një zyre, e cila ofron këshilla për qasje në institucionë publike dhe private si dhe qasja në shërbimet publike për individë, OJQ-të, grupe joformale, etj. Po ashtu stafi i kësaj zyre ndihmon grupet e ndryshme të interesit, individët, etj, në hartimin e kërkesave për t'i adresuar ato në institucionë të ndryshme lokale apo qendrore, edhe ndihmon përmes këshillave në hartim e koncept projekteve që vinë nga OJQ-të, kryetarët e bashkësive lokale etj. Kjo zyrë ka ndihmuar edhe grupe të ndryshme joformale që kanë shprehur dëshirën për t'u regjistruar si OJQ apo si shoqatë. Zyra vazhdimisht është e hapur dhe u ofron ndihmë të gjitha grupeve të interesit dhe individëve, pa dallime, etnike, racore, gjuhësore apo fetare.

Ueb Faqja

Ueb faqja do të trajtojë realitetin më të cilin ballafaqohen komunitet në komunat ku është duke u realizuar projekt, do të afirmojë edhe të arriturat e komunitet në zgjidhjen e problematikave që kanë ata. Ajo do të shërbejë edhe si mjet informimi për të njoftuar lidhur me problematikat e komuniteteve që jetojnë në Komunat Pejë, Istog, Klinë Deçan dhe Rahovec, si dhe me të arriturat që do të janë si shembull i mirë i vetorganizimit në komunitet për zgjidhje të problemeve.

Ueb faqja do të jetë edhe një instrument avokues dhe një zë i komunitetit te institucionet lokale apo qendrore, si dhe do t'i njoftojë institucionet me problemet e komuniteteve në zonat e ndryshme, sidomos atyre në zonat rurale, zëri i të cilëve shumë pak dëgjohet në proceset vendimmarrëse që prekin drejtpërdrejt interesat e tyre dhe kushtet e jetesës.

Ajo do të jetë edhe një lloj promotori i punës së OJQ-ve që nuk kanë mundësi të kenë ueb faqe për të promovuar punën dhe aktivitetet e tyre, siç janë OJQ-të e komuniteteve, duke shërbyer si një urë-lidhëse e shkëmbimit të informacioneve në mes të të gjitha komuniteteve, institucioneve dhe grupeve tjera të interesit.